

二十四史九通政典類要合編

宋

第三冊

藏
乎
船

PDG

二十四史九通政典類要合編卷一百九十一

宋十五

學校 祠祭哀贈先聖先師 道學上

太祖建隆中凡三幸國子監謁文宣王廟 太祖紀

太祖皇帝建隆三年詔廟門準令立戟十六枝

乾德四年以文宣王四十四代陵廟王進士孔宜爲兗州曲阜縣主簿 通考學校考

開寶通禮諸州釋奠並刺史致齋三日從祭之官齋於公館祭日刺史爲初獻上佐爲亞獻博士爲

終獻 續通典禮

太宗太平興國三年冬十月辛酉詔復兗州曲阜縣襲封文宣公家祖稅 太宗紀

眞宗咸平二年詔曲阜縣令襲封文宣公孔延世許於廳上見知州通判及轉運使仍留三年又賜

以祭器經書及銀帛各五十兩 兗州舊以七戶守孔子墳至是增二十戶大中祥符元年以將東

封泰山詔兗州宣尼宜令判州事王欽若致祭 又詔封祀日文宣王四十六代孫賜同學究出身

孔聖祐令衣緣次京官陪班位十一月東封禮畢幸曲阜縣謁文宣王廟上服褙袍詣廟酌獻廟內

外設黃麾仗孔氏家屬陪列初有司定儀止肅揖上特再拜又幸叔梁紇堂命刑部尙書溫仲舒等

分奠七十六弟子先儒叔梁紇顏氏上製贊刻石廟中復幸孔林以樹木擁道降輿乘馬至文宣王

墓奠拜追諡曰元聖文宣王

詔封叔梁紇齊國公顏氏魯國太夫人丁官氏鄆國夫人

詔追封孔子弟子克公顏回竟國公費侯閔損瑯琊公鄆侯冉耕東平公群侯冉雍下邳公齊侯宰
子臨淄公黎侯端木賜黎陽公徐侯冉求彭城公衛侯仲由河內公吳侯言偃丹陽公魏侯卜商河
東公邾伯曾參瑕邱侯陳伯顓孫師苑邱侯江伯澶臺滅明金鄉侯單伯宓不齊單父侯原伯原憲
任城侯莒伯公冶長高密侯鄭伯南宮縚龔邱侯郕伯公哲哀北海侯宿伯曾黠萊蕪侯杞伯顏無
繇曲阜侯蒙伯商瞿須昌侯共伯高柴共城侯滕伯漆雕開平輿侯任伯公伯寮壽張侯向伯司馬
耕楚邱侯樊伯樊須益都侯郕伯公西赤鉅野侯卜伯有若干陰侯鄆伯巫馬期東阿侯潁伯陳亢
南頓侯梁伯梁鱸千乘侯蕭伯顏辛陽穀侯紀伯冉孺臨沂侯東平伯冉季諸城侯聊伯伯虔沐陽
侯黃伯公孫龍枝江侯彭衙伯秦寧新息侯少梁伯秦商鄆城侯武城伯漆雕哆濮陽侯琅琊伯顏
驕雷澤侯須句伯漆雕徒父高苑侯北徵伯壤駟赤上邽侯清河伯林放長山侯睢陽伯商澤鄒平
侯石邑伯石作蜀成紀侯任城伯任不齊當陽侯魯伯申板文登侯東牟伯公良孺牟平侯曹伯曹
邨上蔡侯下邳伯奚容箴濟陽侯淇陽伯句井疆滏陽侯邵陵伯申黨淄川侯期思伯公祖句茲卽
墨侯雩婁伯榮期厭次侯鉅野伯縣成城武侯臨淄伯左人郢南華侯漁陽伯燕伋汧源侯榮陽伯
鄭國胸山侯汧陽伯秦非華亭侯乘氏伯施之常臨濮侯朱虛伯顏嚮濟陰侯濇子伯步叔乘博昌

侯東武伯顏之僕寬句侯衛伯遽環內黃侯瑕邱伯叔仲會博平侯開陽伯顏何堂邑侯臨濟伯秋
黑林慮侯平陸伯邽巽高堂侯汝陽伯孔忠鄆城侯重邱伯公西舉如臨朐侯祝阿伯公西歲徐城
侯南陵伯琴張頓邱侯

又詔封元聖文宣王廟配饗先魯史左邱明瑕邱伯齊人公羊高臨淄伯魯人穀梁赤龔邱伯秦博
士伏勝乘氏伯漢博士高堂生萊蕪伯九江太守戴聖楚邱伯河間博士毛萇樂壽伯臨淮太守孔
安國典阜伯中壘校尉劉向彭城伯後漢大司農鄭眾中牟伯河南杜子春緱氏伯南郡太守馬融
扶風伯北中郎將盧植長鄉伯大司農鄭康成高密伯九江太守服虔滎陽伯侍中賈逵歧陽伯諫
議大夫何休任城伯魏衛將軍太常蘭陵亭侯王肅贈司空尚書郎王弼封偃師伯晉鎮南大將軍
開府儀同三司當陽侯杜預贈司徒豫章太守范甯封鉅野伯命三司使兩制待制館閣官作贊
大中祥符二年詔太常禮院定州縣釋奠禮器數禮院言先聖先師每座酒罇二邊入豆八簋二簋
二組三疊一洗一篋罇皆加勺罇各置於站巾其二燭一爵共四站其二或有從祀之處諸座各邊二豆一
簋一簋一組一燭一爵一乞願下從之

紹興七年有司奏釋奠初依奏告制後比擬舊例視感生帝而加銅鼎三實以銅羹登一實以脂肝十哲從
祀九十八位其用羊豕各一每位邊二栗鹿簋一棧簋一黍俎一羊豕腥肉爵一清酒

五年詔改元聖文宣王諡爲至聖文宣王避聖祖名也大禧元年以文宣王四十六代孫光祿寺丞

聖祐龔封文宣公

判國子監孫奭言釋奠舊禮以祭酒司業博士爲三獻新禮以三公行事近年只差獻官一員通攝伏恐未副崇祀嚮學之意望令備差太尉太常光祿卿以充三獻詔可又詔釋奠儀注及祭器圖令崇文館雕印頒行下諸路

仁宗景祐元年詔釋奠用登歌

皇祐三年詔兗州仙源縣自國朝以來世以孔氏子孫知縣事使奉承廟祀近歲廢而不行非所以尊先聖也今後宜復以孔氏子弟充選

至和二年詔封孔子後爲衍聖公

以上通考學校考

慶厯時封孔子後爲文宣公無擇言前代所封曰宗聖曰奉聖曰崇聖曰恭聖曰褒聖唐開元中尊孔子爲文宣王遂以祖謚而加後嗣非禮也於是下近臣議改爲衍聖公自慶厯詔天下立學十年間其敝徒文具無命教之實無擇首建學官置生徒郡國弦誦之風由此始盛

祖無擇傳

英宗治平元年詔勿以孔氏子弟知仙源縣其襲封人如無親屬在鄉里令常任近便官不得遠去

家廟

京東提刑王綱乞慎重長民之官故有是詔

神宗熙寧八年判國子監常秩等言本監宣聖神像舊用冕服九旒七十二賢二十一先儒並用朝

服檢會唐開元中尊孔子爲文宣王內出王者袞冕之服以衣之詳此則孔子之冕宜用天子之制十二旒孔子旣用冕旒則七十二賢二十一先儒各依本爵用冕服今來所修殿屋已成見裝飾塑像欲乞改正下太常禮院詳定禮院檢會國朝文宣王廟自建隆三年詔廟門準儀制令立戟十六枝用正一品之禮大中祥符二年賜曲阜縣文宣王廟桓圭一從上公之制冕九旒服九章按衣服今王爵之服春秋釋奠則用中祠皆今朝之制也其兗國公顏子等皆以本朝郡國縣封爵緣古今禮制不一難以追用周之冕服宜如舊制依官品衣服令文宣王冕用九旒顏子已下各依郡國縣公侯伯正一品至正四品冠服制度庶合禮令從之

元豐六年吏部尙書曾孝寬言孟軻有廟在鄒未加爵命詔封鄒國公

七年禮部言乞以鄒國公同顏子配食宣聖荀况揚雄韓愈並從祀於左邱明等二十二賢之間從之封荀况蘭陵伯楊雄成都伯韓愈昌黎伯頒行天下學廟塑像春秋釋奠行禮

哲宗元祐元年朝議大夫孔宗翰辭司農少卿請依家世例知兗州以奉孔子祀從之宗翰又言孔子後襲封疏爵本爲侍祠今乃兼領他官不在故郡請自今不使襲封之人更兼他職終身使在鄉里事下禮部太常寺禮官議欲依所請釐定典禮命官以司其用度立學以訓其子孫襲封者專主祠事增賜田百頃供祭祀之餘許均瞻族人其差墓戶並如舊法賜書置教授一員教諭其家子孫鄉鄰或願從學者聽改衍聖公爲奉聖公及刪定家祭冕服等制度頒賜詔可

四年史記通正史卷之九
六年帝幸太學行釋奠禮一獻再拜

元符元年吏部言請下兗州於孔子家衆議承襲之人不必子繼所貴留意祖廟敦睦族人從之
徽宗崇寧元年詔追封孔鯉爲泗水侯孔伋爲沂水侯三年太常寺言國朝祀儀諸壇祠祭正位居
中南面配位在正位之東南西面若兩位亦爲一列以北爲上其從祀之位又在其後今國子監顏
子孟子配享之位卽與閔子騫等從祀之位同作一列雖坐次少出而在文宣王帳座之後於配食
之禮未正請改正顏子而下從享位次爲圖頒示天下從之

紹熙閒項安世爲越州教授告先師文曰常平使者朱熹爲安世言開元禮先聖東向先師南向
故三獻官皆西向則稽古尙右也今祀典正位南向配位西向三獻官猶西向則兼而用之也獨
此府廟學有司以私意復古使配位皆東向此古者先聖之位也拂今之法戾古之義先師其不
安於此也安世用惕然不敢寤處謹擇日奉安先師於西向故位不敢不告惟先師鑒之

六月詔以王安石配享孔子廟設位於鄒國公之次仍令國子監圖其像頒之天下

大觀元年大司成強淵言考禮經士始入學釋菜請自今每歲貢士始入辟雍並以元日釋菜於先
聖從之

二年詔躋子思從祀

四年詔先聖廟用戟二十四文宣王執鎮圭並如王者之制

議禮局言文宣王自開元追謚之初則內出王者袞冕之服以衣之樂用宮樂其禮制蓋嘗增崇矣
國朝會要國子監神像舊用冕九旒服九章而不載其更易之端崇寧四年八月詔從國子司業蔣
靜之請改用冕十二旒服九章而又圖繪頒之天下郡邑其執圭立戟乞並從王者制度又言弟子
公夏首后處公肩定顏祖鄔單宰父黑秦商原抗樂欽廉絜從祀文宣王考之史記皆有其名唐開
元禮亦載祀典乞皆贈侯爵使與祭享從之

九月十二日詔公夏首封鉅平侯后處膠東侯公肩定梁父侯顏祖富陽侯鄔單鄆城侯宰父黑祁
鄉侯秦商馮翊侯原抗樂平侯樂欽建城侯廉絜胙城侯

政和元年六月二十七日太常寺奉詔孔子高弟子所封侯爵與宣聖名同失弟子尊師之禮今乞
以瑕邱侯曾參改封爲武城侯宛邱侯顓孫師爲潁川侯龔邱侯南宮縚爲汝陽侯楚邱侯司馬耕
爲雒陽侯顓邱侯琴張爲陽平侯瑕邱伯左邱明爲中都伯龔邱伯穀梁赤爲雒陵伯楚邱伯戴聖
爲考城伯從之

政和三年封王安石爲舒王配享王雱爲臨川伯從祀五年太常寺言兗州鄒學孟子廟詔以樂正
子配享公孫丑以下從祀皆擬定其封爵樂正子克利國侯公孫丑壽光伯萬章博興伯浩不害東
河伯孟仲子新泰伯陳臻蓬萊伯亢虞昌樂伯屋廬連奉符伯徐辟僊源伯陳代沂水伯彭更雷澤
伯公都子平陰伯咸邱蒙須城伯高子泗水伯桃應膠水伯盆城括萊陽伯季孫豐城伯子叔承陽

伯從之

欽宗靖康元年右諫議大夫楊時言王安石學術之謬乞追奪王爵毀去配享之像詔王安石依鄭康成例從祀

高宗紹興八年詔衢州於係官田內撥賜五頃賜主奉先聖祠事襲封衍聖公孔玠以孔氏渡江子孫隔絕林廟故賜田以奉先聖烝嘗也

以上通考學校考

孝宗乾道八年宰相請討論上丁釋奠及太子入學之儀帝曰文王世子篇載此甚詳令有司討論以聞光宗紹興元年知漳州朱熹條上釋奠禮儀數事後不果行理宗景定二年詔皇太子謁孔子於太學手詔畧曰虎門齒胄太子事也此禮廢久矣如釋奠舍菜之事我朝未嘗廢也然尊師敬道又不可拘舊制令太子謁拜焉度宗咸淳三年正月戊申帝詣太學行舍菜禮禮部尙書陳宗禮國子祭酒陳宜中進讀中庸越日宗禮宜中各進一秩宜中賜紫章服諸齋長諭及起居學生推恩有差續通典禮典

右祠祭褒贈先聖先師

道學之名古無是也三代盛時天子以是道爲政教大臣百官有司以是道爲職業黨庠術序師弟子以是道爲講習四方百姓日用是道而不知是故盈覆載之間無一民一物不被是道之澤以遂其性於斯時也道學之名何自而立哉文王周公既沒孔子有德無位旣不能使是道之用漸被斯

世退而與其徒定禮樂明憲章刪詩修春秋讀易象討論墳典期使三五聖人之道昭明於無窮故曰夫子賢於堯舜遠矣孔子沒曾子獨得其傳傳之子思以及孟子孟子沒而無傳兩漢而下儒者之論大道察焉而弗精語焉而弗詳異端邪說起而乘之幾至大壞千有餘載至宋中葉周敦頤出於春陵乃得聖賢不傳之學作太極圖說通書推明陰陽五行之理命於天而性論人者瞭若指掌張載作西銘又極言理一分殊之情然後道之大原出於天者灼然而無疑焉仁宗明道初年程頤及弟頤寔生及長受業周氏已乃擴大其所聞表章大學中庸二篇與語孟並行於是上自帝王傳心之奧下至初學入德之門融會貫通無復餘蘊迄宋南渡新安朱熹得程氏正傳其學加親切焉大抵以格物致知爲先明善誠身爲要凡詩書六藝之文與夫孔孟之遺言顛錯於秦火支離於漢儒幽沉於魏晉六朝者至是皆煥然而大明秩然而各得其所此宋儒之學所以度越諸子而上接孟氏者歟其於世代之污隆氣化之榮悴有所關係也甚大道學甚於宋宋弗究於用甚至有厲禁焉後之時君世主欲復天德王道之治必來此取法矣邵雍高明英悟程氏實推重之舊史列之隱逸未當今置張載後張栻之學亦出程氏既見朱熹相與博約又大進焉其他程朱門人考其源委各以類從

道學傳

周敦頤字茂叔道州營道人熙寧初知郴州呂公著薦爲廣東轉運判官提點形獄以洗冤澤物爲已任行部不憚勞苦雖瘴癘險遠亦緩視徐按以疾求知南康軍因家廬山蓮花峯下前有溪合於

湓江取營道所居濂溪以名之卒年五十七黃庭堅稱其人品甚高胸懷灑落如光風霽月廉於取名而銳於求志薄於徼福而厚於得民非於奉身而燕及戮發陋於希世而倚友千古博學力行著太極圖明天理之根源究萬物之終始其說曰無極而太極太極動而生陽動極而靜靜而生陰靜極復動一動一靜互爲其根分陰分陽兩儀立焉陽變陰合而生水火木金土五氣順布四時行焉五行一陰陽也陰陽一太極也太極本無極也五行之生也各一其性無極之真二五之精妙合而凝乾道成男坤道成女二氣交感化生萬物萬物生生而變化無窮焉惟人也得其秀而最靈形既生矣神發知矣五性感動而善惡分萬事出矣聖人定之以中正仁義而生靜立人極焉故聖人與天地合其德日月合其明四時合其序鬼神合其吉凶君子修之吉小人悖之凶故曰立天之道曰陰與陽立地之道曰柔與剛立人之道曰仁與義又曰原始反終故知死生之說大哉易也斯其至矣又著通書四十篇發明太極之蘊序者謂其言約而道大文質而義精得孔孟之本源大有功於學者也掾南安時程珦通判軍事視其氣貌非常人與語知其爲學知道因與爲友使二子顥顒往受業焉敦頤每令尋孔顏樂處所樂何事二程之學源流乎此矣故顥之言曰自再見周茂叔後吟風弄月以歸有吾與點也之意侯師聖學於程顥未悟訪敦頤敦頤曰吾老矣說不可不詳留對榻夜談越三日乃還顥驚異之曰非從周茂叔來耶其善開發人類此嘉定十三年賜諡曰元公淳祐元年封汝南伯從祀孔子廟庭

周敦頤傳

程顥字伯淳世居中山後從開封徙河南舉進士熙寧初用呂公著薦爲太 tử 中允監察御史裏行
神宗素知其名數召見大要以正心窒慾求賢育材爲言務以誠意感悟主上嘗勸帝防未萌之欲
及勿輕天下士帝俯躬曰當爲卿戒之自安石用事顥未嘗一語及於功利司馬光在長安上疏求
退稱顥公直以爲己所不如哲宗立召爲宗正丞未行而卒年五十四顥資性過人充養有道和粹
之氣盜於面背門人交友從之數十年亦未嘗見其忿厲之容遇事優爲雖當倉卒不動聲色自十
五六時與弟頤聞汝南周敦頤論學遂厭科舉之習慨然有求道之志泛濫於諸家出入於老釋者
幾十年返求諸六經而後得之秦漢以來未有臻斯理者教人自致知至於知止誠意至於平天下
洒掃應對至於窮理盡性循循有序病學者厭卑近而鶩高遠卒無成焉故其言曰道之不明異端
害之也顥之死士大夫識與不識莫不哀傷焉文彥博采衆論題其墓曰明道先生其弟頤序之曰
周公沒聖人之道不行孟軻死聖人之學不傳道不行百世無善治學不傳千載無真儒無善治士
猶得以明夫善治之道以淑諸人以傳諸後無真儒則貿貿焉莫知所之人欲肆而天理滅矣先生
生於千四百年之後得不傳之學於遺經以興起斯文爲己任辨異端闢邪說使聖人之道煥然復
明於世蓋自孟子之後一人而已然學者於道不知所向則執知斯人之爲功不知所至則執知斯
名之稱情也哉嘉定十三年賜諡曰純公淳祐元年封河南伯從祀孔子廟庭

程顥傳

程頤字正叔年十八上書闕下欲天子黜世俗之論以王道爲心游太學見胡瑗問諸生以顏子所

好何學頤因答曰學以至聖人之道也聖人可學而至歟曰然學之道如何曰天地儲精得五行之秀者爲人其本也眞而靜其未發也五性具焉曰仁義禮智信形旣生矣外物觸其形而動其中矣其中動而七情出焉曰喜怒哀樂愛惡欲情旣熾而益蕩其性鑿矣是故覺者約其情使合於中正其心養其性愚者則不知制之縱其情而至於邪僻梏其性而亡之然學之道必先明諸心知所養然後力行以求至所謂自明而誠也誠之之道在乎信道篤信道篤則行之果行之果則守之固仁義忠信不離乎心造次必於是顛沛必於是出處語默必於是久而弗失則居之安動容周旋中禮而邪僻之心無自生矣後人不達以謂聖本生知非學可至而爲學之道遂失不求諸己而求諸外以博聞強記巧文麗辭爲工榮華其言鮮有至於道者則今之學與顏子所好異矣瑗得其文大驚異之卽延見處以學職呂希哲首以師禮事頤治平元豐間大臣屢薦皆不起哲宗初司馬光呂公著其疏其行義曰伏見河南府處士程頤力學好古安貧守節言必忠信動遵禮法年踰五十不求仕進眞儒者之高蹈聖世之逸民望擢以不次仕類有所矜式詔以爲西京留守監教授力辭尋召爲秘書省校書郎旣入見擢崇政殿說書頤每進講色甚莊繼以諷諫聞帝在宮中盥而避蟻問有是乎曰然誠恐傷之爾頤曰推此心以及四海帝王之要道也卒年七十五頤於書無所不讀其學本於誠以大學語孟中庸爲標指而達於六經動止語默一以聖人爲師其不至乎聖人不止也張載稱其兄弟從十四五時便脫然欲學聖人故卒得孔孟不傳之學以爲諸儒倡其言之旨若布

帛菽粟然知德者尤尊崇之嘗言今農夫祁寒暑雨深耕易耨播種五穀吾得而食之百工技藝作爲器物吾得而用之介冑之士被堅執銳以守土宇吾得而安之無功澤及人而浪度歲月晏然爲天地間一蠹唯綴緝聖人遺書庶幾有補爾於是著易春秋傳以傳於世平生誨人不倦故學者出其門最多淵源所漸皆爲名士涪人祠頤於北巖世稱爲伊川先生嘉定十三年賜諡曰正公淳祐元年封伊陽伯從祀孔子廟庭

程頤傳

張載字子厚長安人少喜談兵至欲結客取洮西之地年二十一以書謁范仲淹一見知其遠器乃警之曰儒者自有名教可樂何事於兵因勸讀中庸載讀其書猶以爲未足又訪諸釋老累年究極其說知無所得反而求之六經嘗坐虎皮講易京師聽從者甚衆一夕二程至與論易次日與人曰比見二程深明易道吾所弗及汝輩可師之撤坐輟講與二程語道學之要渙然自信曰吾道自足何事旁求於是盡棄異學淳如也屏居南山下終日危坐一室左右簡編俯而讀仰而思有得則識之或中夜起坐取燭以書其志道精思未始須臾息亦未嘗須臾忘也敝衣蔬食與諸生講學每告以知禮成性變化氣質之道學必如聖人而後已以爲知人而不知天求爲賢人而不求爲聖人此秦漢以來學者大蔽也故其學尊禮貴德樂天安命以易爲宗以中庸爲體以孔孟爲法尋詔知太常禮院與有司議禮不合復以疾歸中道疾甚沐浴更衣而寢旦而卒世稱爲橫渠先生著書號正蒙又作西銘程頤嘗言西銘明理一而分殊擴前聖所未發與孟子性善養氣之論同功自孟子後

蓋未之見學者至今尊其書嘉定十三年賜諡曰明公清祐元年封鄆伯從祀孔子廟庭

張載傳

邵雍字堯夫其先范陽人父古徙衡漳又徙其城雍年三十游河南葬其親伊水上遂爲河南人雍少時自雄其才慷慨欲樹功名於書無所不讀始爲學卽堅苦刻厲寒不爐暑不扇夜不就席者數年已而歎曰昔人尙友於古而吾獨未及四方於是踰河汾涉淮漢周流齊魯宋鄭之墟久之幡然來歸曰道在是矣遂不復出北海李之才攝其城令聞雍好學嘗造其廬謂曰子亦聞物理性命之學乎雍對曰幸受教乃事之才受河圖洛書必義入卦六十四卦圖像之才之傳遠有端緒而雍探蹟索隱妙悟神契洞徹蘊奧汪洋浩博多其所自得者及其學益老德益邵玩心高明以觀夫天地之運化陰陽之消長遠而古今世變微而走飛草木之性情深造曲暢庶幾所謂不惑而非依倣象類億則屢中者遂衍必義先天之旨著書十餘萬言行於世司馬光兄事雍而二人純德尤鄉里所慕嚮父子昆弟每相飭曰毋爲不善恐司馬端明邵先生知熙寧十年卒年六十七贈秘書省著作郎元祐中賜諡康節雍高明英邁迥出千古而坦夷渾厚不見圭角是以清而不激和而不流人與交久益尊信之河南程顥初侍其父識雍議論終日退而歎曰堯夫內聖外王之學也雍知慮絕人遇事能先知程頤嘗曰其心虛明自能知之雍疾病司馬光張載程顥程頤晨夕候之將終其議喪葬事外庭雍皆能聞衆人所言召子伯溫謂曰諸君欲葬我近城地當從先塋爾旣葬題爲銘墓稱雍之道純一不雜就其所至可謂安且成矣所著書曰皇極經世觀物內外篇漁樵問對詩曰伊川

擊壤集 邵雍傳

劉絢字實夫常山人元祐初韓維薦其經明行修爲京兆府教授王巖叟朱光庭又薦爲太學博士絢力學不倦最明於春秋程頤每爲人言他人之學敏則有矣未易保也若絢者吾無疑焉劉絢傳李籲字端伯洛陽人登進士第元祐中爲秘書省校書郎卒程頤謂其才器可以大受及亡也祭之以文曰自予兄弟倡明道學能使學者視仿而信從者籲與劉絢有焉李籲傳

謝良佐字顯道壽春上蔡人與游酢呂大臨楊時在程門號四先生良佐記問該瞻對人稱引前史至不差一字事有未徹則頤有泚與程頤別一年復來見問其所進曰但去得一矜字爾頤喜謂朱光庭曰是子力學切問而近思者也所著論語說行於世謝良佐傳

游酢字定夫建州建陽人與兄醇以文行知名所交皆天下士程頤見之京師謂其資可以進道程頤興扶溝學招使肄業盡棄其學而學焉游酢傳

張繹字思叔河南壽安人家甚貧發憤力學嘗游僧舍見僧道楷將祝髮從之時周行己官河南警之曰何以舍聖人之學而學佛異日程先生歸可師也會程頤還自涪乃往受業頤賞其穎悟讀孟子志士不忘在溝壑勇士不忘喪其元慨然若有得未及仕而卒頤嘗言吾晚得二士謂繹與尹焞也

蘇昞字季明武功人始學於張載而事二程卒業張繹傳

尹焞字彥明一字德充世爲洛人曾祖仲宣七子而二子有名長子源字子漸是謂河內先生次子洙字師魯是謂河南先生源生林官至虞部員外郎林生焞少師事程頤嘗應舉發策有誅元祐諸臣議焞曰噫尙可以干祿乎哉不對而出告頤曰焞不復應進士舉矣頤曰子有母在焞歸告其母陳母曰吾知汝以善養不知汝以祿養頤聞之曰賢哉母也於是終身不就舉焞之從師與河南張繹同時繹以高識焞以篤行頤既沒焞聚徒洛中非吊喪問疾不出戶士大夫宗仰之金人陷洛焞闔門被害焞死復甦門人舁置山谷中而免劉豫命僞師趙斌以禮聘焞不從則以兵恐之焞自商州奔蜀至閬得程頤易傳十卦於其門人呂稽中又得全本於其壻邢純拜而受之紹興四年止子涪涪頤讀易地也關三畏齋以居先是崇寧以來禁錮元祐學術高宗渡江始召楊時實從班召胡安國居給舍范仲朱震俱在講席薦焞甚力既召而左司諫陳公輔上疏攻程氏之學乞加屏絕焞至九江上奏曰臣僚上言程頤之學惑亂天下焞實師頤垂二十年學之既專自信甚篤使焞濫列經筵其所敷繹不過聞於師者舍其所學是欺君父加以疾病衰耗不能支持遂留不進後居官與秦檜不協致仕卒當是時學于程頤之門者者固多君子然求質直弘毅實體力行若焞者蓋鮮頤嘗以魯許之且曰我死而不失其正者尹氏子也其言行見於涪陵記善錄爲詳有論語解及門人

問答傳于世 尹焞傳

楊時字中立南劍將樂人幼穎異能屬文稍長潛心經史熙寧九年中進士第時河南程顥與弟頤